

Lukas Peccei y Philipp Brunner da La Val pó mustré sö na prestaziun de bravüra sön i liöstri te chësta sajun passada.

I dui atlec da La Val, amanc dla lüsa sön pista artificziala, va a scora dl sport a Mals y á tut pert chësc invern a les competiziuns de copa dl monn Jugend A tla Francia, Austria y ti paîsc tudesc. Bele tl'ann 2020 dan la pandemia, á podü Lukas ciarcé la competiziun an nivel cotan alt, súa partezipaziun ales olimpiades joniles a Louisanne tla Svizera ti á porté la prüma esperiënza a nivel alt. Tles prüms gares a mët man de dezëmbër 2021 él gnü coiü adüm i prüms punc dla sajun, cun Lukas che á podü trá le salt sön le scalin plö alt a pié dô la medaia d'or tla gara a La Plagne tla Francia, deperpo che Brunner Philipp á podü mustré sö le 11. Post. Tl medemo post le dé dô garetel ciamó en 2. post por Lukas. En 3. post ti garetá ciamó al atlet tles gares a Igls tl'Austria y a Oberhof ti paîsc tudesc. Tla secunda gara a Oberhof toma l'atlet jö de lüsa, ruvan al travert cun le setim miú tēmp. Philipp se posizionëia al 11. post tles gares a La Plagne y tla prüma gara a Oberhof, deperpo a Igls röiel ti miús 10 mostran sö le 8. Post. Pro la secunda gara a Oberhof ti schechera a Philipp, al fej le 14. post final.

Te tlassifica generala por soma de punc, do dütes les gares, se posizionëia Lukas al 3. post cun 371 punc, deperpo che Philipp se archita al 8. Post cun 172 punc.

Gran sodesfaziun se tôl i dui atlec pro i campionac taliagn Jugend A a Igls tl'Austria, cun Lukas che fej le 1. post dan Philipp al 2. post.

Sön le program él ciamó gnü a se dé na competiziun a pert, plö avisa na challenge a livel mondial. Ince chiló i dui jogn a mostré sna gran prestaziun, mostran sö i miús tēmps dla competiziun!

Na sajun de gran sodesfaziuns por i atlec, che pó insciö se mosoré dancá cun la concorēnza. De gran complimēnc por i resultac y les miús aodanzes por le dagní te chēsc bel sport i va da pert dl'Uniun dl Sport da La Val, che ēi pois avēi inant tröpa ligrēza y tröpa motivaziun.

Insēra, mercui ai 23 de aurì él gnü sughé l'andata dla semifinala de Copa Provincia cuntra la squadra da Ritten, che süga le campionat trēs te 3 categoria mo te n ater girone. La squadra da La Val à incuntè na squadra sterscia, che à lascè udēi sües cualitēs portan a ciasa la devēnta por 2 a 0. Ai 7 de mà gnaral sughé le ritorno sön le cíamp dl Ritten.

